

Broj: 06-02-36-32/2018-17  
Sarajevo, 24.01.2019. godine

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14), sekretar Vlade Federacije Bosne i Hercegovine, d o n o s i

**ODLUKU**  
**O PONIŠTENJU POSTUPKA JAVNE NABAVKE ROBA – NABAVKA SERVERSKE I**  
**MREŽNE OPREME ZA POTREBE GENERALNOG SEKRETARIJATA VLADE**  
**FEDERACIJE BOSNE I HERCEGOVINE**  
**(LOT 2 - NABAVKA MREŽNE OPREME)**

**I.**

Poništava se postupak javne nabavke: Otvoreni postupak za javnu nabavku roba - nabavka serverske i mrežne opreme za potrebe Generalnog sekretarijata Vlade Federacije Bosne i Hercegovine u dijelu koji se odnosi na **LOT 2 - nabavka mrežne opreme**, evidencijski broj nabavke: 06-02-36-32/2018-1 od 23.10.2018. godine, broj Obavještenja o nabavci sa Portala javnih nabavki: 854-1-1-51-3-15/18 od 23.10.2018. godine, sažetak Obavještenja o nabavci, objavljen u „Službeni glasnik BiH-Oglasnik javne nabavke“, broj 75/18, jer su nastupile okolnosti koje su izvan kontrole Ugovornog organa i koje se nisu mogle predvidjeti u vrijeme pokretanja postupka javne nabavke.

**II.**

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke, broj: 06-02-36-32/18 od 19.10.2018. godine. Javna nabavka provedena je putem otvorenog postupka. Predmetna nabavka bila je podijeljena na dva LOT-a. Ukupna procijenjena vrijednost nabavke iznosila je 100.000,00 KM bez PDV-a. Procijenjena vrijednost nabavke za LOT 2 iznosila je 44.500,00 KM bez PDV-a.

Obavijest o nabavci broj: 854-1-1-51-3-15/18 poslana je na objavu 23.10.2018. godine, te je istog dana objavljena na portalu Javnih nabavki, a sažetak Obavještenja o nabavci, objavljen u „Službeni glasnik BiH-Oglasnik javne nabavke“, broj 75/18.

Tendersku dokumentaciju je preuzelo 28 (dvadesetosam) privrednih subjekata, a 4 (četiri) ponuđača dostavila su ponude u predmetnom postupku nabavke od kojih su za LOT 2 ponudu dostavila dva ponuđača.

Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 2 su dostavili sljedeći ponuđači: VERSO d.o.o. Sarajevo i LANACO d.o.o. Banja Luka.

Komisija za javne nabavke, imenovana Rješenjem, broj: 06-02-36-R-9/2018 od 22.10.2018. godine, izvršila je pregled i ocjenu ponuda, te konstatovala da je, od ukupno 2 (dvije) ponude za LOT - 2 ponuda ponuđača LANACO d.o.o. Banja Luka prihvatljiva i da se ista uklapa u procijenjenu vrijednost nabavke Ugovornog organa.

Ponuda ponuđača VERSO d.o.o. Sarajevo odbačena je iz sljedećih razloga:

- u Tenderskoj dokumentaciji, broj: 06-02-36-32/2018-1 od 23.10.2018. godine, Poglavlje III Uvjeti za kvalifikaciju, tačka 1.2. podtačka c. Ekonomska i finansijska sposobnost (član 47. stav (1) tačke a) i c) Zakona, kao dokaz za solventnost ponuđača, između ostalog, se zahtijevala:

„Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (23.10.2018. godine), transakcijski račun ponuđača nije bio blokiran.”

Ponuđač VERSO d.o.o. Sarajevo dostavio je Potvrdu, broj: 06-2-BH-498/18 od 18.10.2018. godine izdatu od UniCredit Bank d.d. kojom se potvrđuje da ponuđač ima otvoren transakcijski račun kod Banke koji nije bio blokiran u posljednjih 12 mjeseci. Iz priloženog dokaza nije se molo utvrditi da transakcijski račun Ponuđača nije bio blokiran dana 23.10.2018. godine, kada je objavljeno Obavještenje o nabavci. Potvrda nije uključivala datum objavljivanja obavještenja o nabavci.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-32/2018-8 od 07.12.2018. godine i preporuku o izboru najpovoljnijeg ponuđača LANACO d.o.o. Banja Luka za LOT - 2 (nabavka roba-nabavka mrežne opreme).

Ugovorni organ-Generalni sekretarijat Vlade Federacije Bosne i Hercegovine donio je Odluku o izboru najpovoljnijeg ponuđača za javnu nabavku roba-serverske i mrežne opreme za potrebe Generalnog sekretarijata Vlade Federacije Bosne i Hercegovine (LOT - 2 - mrežna oprema), broj: 06-02-36-32/2018-10 od 10.12.2018. godine, koja je dostavljena svim ponuđačima dana 10.12.2018. godine.

Dana 18.12.2018. godine Generalni sekretarijat Vlade Federacije Bosne i Hercegovine elektronskim putem je zaprimio Žalbu ponuđača VERSO d.o.o. Sarajevo, broj: 259/18-1 od 18.12.2018. godine na Odluku o izboru najpovoljnijeg ponuđača za javnu nabavku roba-serverske i mrežne opreme za potrebe Generalnog sekretarijata Vlade Federacije Bosne i Hercegovine (LOT 2-mrežna oprema), broj: 06-02-36-32/2018-10 od 10.12.2018. godine.

Ugovorni organ je utvrdio Izjašnjenje na navode žalbe, broj: 06-02-36-32/2018-15 od 19.12.2018. godine, te je isto, u skladu sa članom 100. stav (5) Zakona o javnim nabavkama, proslijedio Uredu za razmatranje žalbi, zajedno sa Žalbom ponuđača VERSO d.o.o. Sarajevo, kao i dokumentaciju u vezi sa navedenim postupkom.

Dana 19.12.2018. godine Generalni sekretarijat Vlade Federacije Bosne i Hercegovine je i u pisanoj formi zaprimio Žalbu ponuđača VERSO d.o.o. Sarajevo, broj: 259/18-1 od 18.12.2018. godine na Odluku o izboru najpovoljnijeg ponuđača za javnu nabavku roba-serverske i mrežne opreme za potrebe Generalnog sekretarijata Vlade Federacije Bosne i Hercegovine (LOT 2 - mrežna oprema), broj: 06-02-36-32/2018-10 od 10.12.2018. godine, za koju je objavljeno obavještenje o nabavci, broj: 854-1-1-51-3-15/18 dana 23.10.2018. godine.

Generalnom sekretarijatu Vlade Federacije Bosne i Hercegovine je dana 21.01.2019. godine, Ured za razmatranje žalbi Bosne i Hercegovine, dostavio Zaključak, broj: JN2-03-07-1-1754-10/18 od 17.01.2019. godine, kojim se obustavlja postupak pokrenut po Žalbi ponuđača VERSO d.o.o. Sarajevo, broj: 259/18-1 od 18.12.2018. godine izjavljenoj na Odluku o izboru najpovoljnijeg ponuđača, a koja se odnosi na javnu nabavku roba - serverske i mrežne opreme za potrebe Generalnog sekretarijata Vlade Federacije Bosne i Hercegovine (LOT – 2 - mrežna oprema), broj: 06-02-36-32/2018-10 od 10.12.2018. godine, zbog odustanka žalitelja od žalbe.

Komisija za javne nabavke, imenovana Rješenjem, broj: 06-02-36-R-9/2018 od 22.10.2018. godine dostavila je sekretaru Vlade Federacije Bosne i Hercegovine Preporuku za donošenje odluke o poništenju postupka javne nabavke roba – nabavka serverske i mrežne

opreme za potrebe Generalnog sekretarijata Vlade Federacije Bosne i Hercegovine (LOT 2 - nabavka mrežne opreme).

Predmetna nabavka bila je u Planu javnih nabavki Generalnog sekretarijata Vlade Federacije Bosne i Hercegovine za 2018. godinu, a u skladu s tim finansiranje navedene nabavke bilo je planirano iz sredstava Budžeta Federacije Bosne i Hercegovine za 2018. godinu.

S obzirom na činjenicu da je istekla budžetska 2018. godina, Ugovorni organ više ne može raspolagati sa finansijskim sredstvima za ovu namjenu, a sredstva za ovu namjenu nisu planirana i osigurana u 2019. godini. Navedeno predstavlja razloge kojima se dokazuje da su okolnosti koje su nastupile izvan kontrole Ugovornog organa te da se iste nisu mogle predvidjeti u vrijeme pokretanja postupka javne nabavke, Ugovorni organ okončava ovaj postupak donošenjem odluke o poništenju.

Uzimajući u obzir naprijed navedeno, a shodno članu 69. stav (3) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

#### **Dostaviti:**

1. Svim ponuđačima u postupku
2. U dokumentaciju Komisije
3. Sektoru za pravne i opće poslove
4. Sektoru za materijalno-finansijske poslove



**SEKRETAR VLADE**

**mr. sc. Edita Kalajdžić**